




Eli Galdos:
«Adostasuna
erraz lortzea
espero dut» / 13



Pujol: «Estatu
espainiarrak zor
historikoa dauka
katalanarekin» / 16



Guillermo Heras
antzerkilaria:
«Zinemaren
presoak gara» / 37

Egunkaria

Igandea, 1993ko urriak 31 / IV. urtea / 900. zenbakia / Salneurria: 100 pta. / 5,5 libera

EUSKALGINTZA

Euskara elkarteak elkarlanerako gogoz

Sektore guztien ahaleginaren eta elkarlanaren beharra nabarmendu zen atzo Arrasaten Herrietako Euskara Elkarteei buruzko Jardunaldietan. / 14

Iglesias: «Oso gogorra izan da»

«Hilkutxa zurian» erabat «inkomunikatuta» egon ondoren «sasoi onean» irten dela uste du ingeniariak

Bahituta egin dituen 117 egunak esperientzia «oso gogorra» izan direla eta inori ez diola desira adierazi zuen Julio Iglesias Zamora ingeniariak atzo Donostian, ETako bahitzaileek Arrate mendatean aske utzi eta biharamunean emandako prentsaurrekoan. Bahituta zegoela jabetu eta berehala, handik «sasoi berean edo hobe» ateratzea izan zela bere erronka nagusia adierazi zuen eta bere ustez «sasoi onean» dagoela esan zuen gero.

Iglesiasak azaldu zuenez, 1,80 metro altuera, 1,80 luzera eta 1,50-1,60 metro zabalerako gela —«hilkutxa zuria» deitu zion berak— eduki zuten bahituta, aurpegia beti estalita zuten hiru gizonezko. «Inkomunikazioaren tortura» jasan zuela esan zuen Iglesiasak eta, egoera horren barruan, bahitzaileen tratua «nahikoa» eta «zuzena» izan zela.

Erreskaterik ordaindu ote zen galdetu zitzaionean, gai horren gainean ezer ez zekiela adierazi zuen Iglesiasak. Prentsaurrekoan alban izan zuen Antonio Iglesiasak ere ez zuen ordainketari buruz hitz egin. / 5-11



Bahituta egin zituen 117 egunak nola bizi izan zituen azaldu zuen Julio Iglesiasak atzo Donostian kazetari andana aurrean zuela.

EDURNE KOCH



Bihar jarriko da indarrean Europako Batasunerako Ituna

Europako Komunitatea Europako Batasun bilakatuko da bihar. 1991ko abenduan Hamabiek Holandako Maastricht hirian sinatu zuten hitzarmena azaroaren lehen egunean jarriko da indarrean. Batasunerako bidean funtsezko hamaika arazo konpondu gabe dituzten arren, Itunak aldaketa nabariak eragingo ditu Eu-

ropako egitura ekonomiko-politikoan. Berrikuntza hauei buruzko gida berezia prestatu du EGUNKARIAK. Gaia ikuspuntu ezberdinetatik aztertuko dute Jose Antonio Ardanza EAEko lehendakariak, Karmelo Landa HBko europarlamentariak eta Iñaki Laka ELAren EK-ko gaietarako arduradunak. / 21-25

Gaur abiatuko da

Bertsolari Txapelketa Nagusia

◆ Bertsolariek egin beharreko lana

◆ Epaimahaiaren irizpideak

◆ Txapelketaren historia

◆ Joserra Garzia, Maddalen Lujanbio eta Joserra Bilbaoren iritziak

◆ Leitza eta Gernikako kanporaketei buruzko informazio berezia

◆ Elkarrizketak Jon Lopategi eta Koldo Tapiari

◆ Saio guztien egutegia eta partehartzaileen zerrenda

GEHIGARRI BEREZIA ERDIKO ORRIALDEETAN



BESTERIK

POLITIKA

Mila lagun inguruk Etxebesteren askatasuna eskatu dute Baionan / 12

NAZIOARTEA

Ipar Irlandako bake negoziaketan aulkia izan lezake Sinn Feinek / 26

KULTURA

Gaurko saioekin amaituko da Tolosako Abesbatza Lehiaketa / 34-35